



## De STHB

(Stadtheimatbund Münster e. V.)  
is för alls dao, wat met mönsterske  
Heimatkultur to doon hät. He bütt  
siene 35 Vereine Hölpe bi Heimat-  
pläie, Heimatfürskung un  
Präsentation van iähr Doon.

He möch daoto bidriägen, dat Mönster  
sienen Patt wiedergeiht äs Stadt  
van Wiëtenschop un Liäwensard.

He arbeitet daoför, dat Mönster in  
en Europa, wat ümmer mähr bine-  
enwäss, Mönster bliff: de schöne  
Stadt in de Midde van de hele Re-  
gion, de Stadt, in de to liäwen sick  
lauhnt un Freide mäk.

He will methelpen, dat all dat Gue-  
de, wat düör 1200 Jaohre in Mönster  
wassen is un et druogen hät,  
siene Kraft behöllt.

He geiht daovan uut, dat jedereen  
in de Büürgerschop van Mönster  
sick för dat Hele tostännig föhlen  
un engageren kann un sall; dat  
bedräpp besunners de Arbeid in  
de Vereine un in en Ährenamt. So  
kann dat, wat de STHB dööt un will,  
up bredden Grund in de Stadtgesell-  
schop staohn.

Uut dat graute Spektrum van  
STHB-Aktivitäten sallt hier drei  
nommt wärden:

- Mönster äs Stadt van den West-  
fäolsken Friäden van 1648 un äs  
Friädensstadt vandage wieder-  
brenge,
- de nederdüütske Kultur in  
Spraoke, Literatur, Leed,  
Thriaoter usw. bewahren un  
pläiege,
- Mönsters Büürgerschop up-  
müntern, sick för de Stadt to  
engageren.

# AFRIET-RIEMSELS

Saotmaond

Oktober 2023

## Koppwieden

*Wat mak ih knobbligen Stubben  
doch alle son leige Gesicht:  
De eene kick ut äs de Düwel,  
de annre äs'n Deif vör Gericht.*

*De diärde hät'n Kopp äs 'ne Uhle,  
de veerte lucht niürsk üs en Geck,  
de siefte gneest frech dör de Tiürne,  
äs wenn een' de Tunge utsteck.*

*De seßte rullt grülick de Augen,  
so wild äs de olle Schandarm,  
äs woll he den siefften noch packen,  
de dräg all den Kopp unner'n Arm.*

*Bi Nacht, wenn dat güldene Määndken  
sien Lecht up de Koppwieden legg,  
un wenn't ut den Uhlenhaak kriesket,  
dann tru ick mi nich dör den Weg.*

August Hollweg

Swattbraut, Aschendorf Münster 1953

Wörde: *Koppwieden – Kofweiden*      gneest – grünst  
niürsk – wie ein Narr                      Tiürne – Zähne

Spruch: *Wat nich dög, is auk ümsüs no to düer.*

STHB Stadtheimatbund Münster e.V.

Neutor 2, 48143 Münster  
Tel: 02 51 98 11 39 78

www.stadtheimatbund-muenster.de  
info@stadtheimatbund-muenster.de